

西廂詞集

溫州府

國

公館

西廂詞集二卷

共 1 册 存 1 册 排架号 11312

序

悔叟能集詩吾知之不爲奇也人盡能之耳悔叟能集詞吾知之不爲奇也人亦能之耳悔叟今且集西廂以爲詞吾知之不能不以爲奇矣夫西廂者天下古今第一奇文也人孰不讀西廂人孰不知西廂爲奇文乃讀西廂而能以西廂之奇文作己之奇文用如悔叟者伊其誰何噫悔叟之能用奇也誠奇矣得無譎乎雖然吾非奇其譎也所奇者西廂記一書閱今千百年此千百年中卽無一人如悔叟之譎先悔叟施其譎讓其譎於千百年下之一悔叟之爲奇之又奇耳奇哉悔叟譎哉悔叟吾知悔叟必以蠖子之言爲能振其奇而破其譎也

光緒甲辰歲中秋節前一日蠖子萬兩生題

序

隔牆聞釵釧聲卽是破戒壁上  
看秋波轉正好參禪作者太狡獪不於  
一棒一喝上使人回頭偏於有色無色有想無想處耐人尋味其然耶  
其信然耶自鐵血主義行五洲各犧牲土地人民求一寸乾淨土不可  
得白雲鄉不飛來溫柔鄉安在耶何況借他人之酒杯消自己之塊壘  
朝選聲夕按拍文字孽耶歡喜魔耶知叟且老固大有不得已於懷者  
也益令人思信陵君於不置云

光緒甲辰歲重陽日普廬錢振堦涂

序

集詩句天衣無縫有也集詞句天衣無縫亦有也長沙蘭樵宗支集西  
廂詞曲句得長調小令數十闋天衣無縫生面別開則絕無僅有也一  
編按拍不覺神爲之往心爲之折氣爲之奪然而吾宗老矣詩工矣詞  
亦工矣集詩句工集詞句亦工矣其官清其境逆於是借他人杯酒澆  
自己塊壘詎可以舉徒工綺語造筆端罪孽者同日論耶嗟嗟一官匏  
繫妙語珠穿人以頌宗老吾邦賢令也可人以頌宗老詞壇健將也亦  
無不可客齋病起神思恍惚拉雜而爲之序

光緒甲辰歲暮蕭山鑄錯生脫稿於甬江權舍

跋

悔叟集西廂句爲詞先成十六字令以示余余以爲文章天成妙手偶得之耳乃不數日竟集成長調小令數十闕余讀之不覺叫絕夫集詞前人曾有之集西廂成詞則初自悔叟一部西廂其詞句可以巧合成文者不過如是悔叟所集已盡於此吾知他人即欲效悔叟而集之不能矣吾且知悔叟即欲增集之亦不能矣昔人有言曰世間好語佛說盡吾於悔叟之集西廂益信白雲詞人陽湖談瑄小蓮氏跋

跋

美人香草屈原寄憂思於離騷雲雨巫山宋玉託哀情於夢寐古來才人騷客大都借豔詞綺語以寫心曲不知者徒誇其靡麗風流而不知傷心人別具懷抱吾丈悔叟多情人也平生好集古人句以爲詩詞久經噲炙人口已成詩千餘首詞數百闕矣今又集西廂曲語成詞百餘闕以示余閑翻舊曲重按紅牙千古以來真成絕調然而吾丈老矣明知錦瑟毗犀概同班扇臙脂螺黛一例曇花而舊夢傷心曾憶舞衫歌扇新愁難浣空嗟碧海青天鐙紅酒綠之餘回首當年能無感慨情難消遣聊憑一管生花之筆譜出淒涼絕妙之詞是殆與古人同一心曲也噫嘻

丁未仲春秋蒲仲文高炳鳳跋



題詞

高炳鳳 仲文

綵筆編成絕妙詞  
淒涼心事有誰知  
閑翻舊曲歌金縷  
重按新腔唱竹枝  
夢斷紫釵增感觸  
情牽紅豆惹相思  
老來綺語頻懣悔  
羨煞風流杜牧之

天台散人金文田 性山

空中色相寂中音  
妙諦端從象外尋  
參透情禪成解脫  
西廂一部即心經

美人香草意如何  
一部離騷楚水涯  
千載才人推屈子  
至今餘韻落長沙

調寄湘春夜月

顏澤祺

乍開絨正當蓮子星前一卷天孫雲錦巧綴如珠圓絕似庾郎風調笑  
春衫老去仍舊纏綿自琵琶拍後潯江水月楓荻俱傳 名山歷徧錦  
囊燦爛珍重金縑綺句綽詞自能與湘江湘水流過千年紅塵草草憶  
昔時杭州春夢嘆此日白雲攬轡青山走馬羈旅遙天

華金范作梅雙臣

舊曲翻新百闋成長沙梅老顯才名清風朗月雙方景蕭寺西廂萬古  
情金火鑄鎔奇范像江山撮合異鮮明借人杯酒深宵酌澆盡胸中塊  
壘平

瞿鴻禨

集句成詩難成詞尤難黃屠堂香屑集已刊傳於世然其中則僅無題  
一門承 示陳言集展誦一過詩則如數珠璣若自己出詞則五雲璫

璨合律無舛誠大匠之精心如天衣之無縫非曾羅萬卷曷克臻此至  
豔詞麗語髣髴實有其事吾

丈自叙云鏡花水月不必世有其人殆佛經所謂色即是空空即是色  
者耶敬以奉復

侄瞿鴻禨子桓拜首



自序

余好集古人句爲詩詞積有若干卷偶讀西廂記愛其情辭綿渥集成一闋以示人都稱可遂大喜即集小令長調數十闋以律合之尙無舛錯惟限於西廂記曲語無多其通韻不能不稍有假借且前曲與續曲妍媸不同間亦不能不擇其佳者而通用之不過隨時游戲以消遣世慮耳余老矣燈前酒後追念少年情事如泡影幻夢時慨愴不能已將以此爲懺除文字又恐重造口孽障也思焚棄之或曰此西廂之文非子之文也何必焚乃書數語以存悔道人自識



西廂詞集

沁園春

長沙梅叟蘭樵甫戲稿

風靜簾閑雲斂晴空萬籟無聲奈玉人不見柳遮花映銀缸猶燦霧幃  
雲屏黃犬音乖綠窗人靜月朗風清恰二更誰能彀將言詞說上通個  
殷勤 難禁一寸眉心我是個多愁多病身將迴廊繞遍淒涼情緒彩  
雲何在美滿恩情送暖偷寒翻來覆去妙藥難醫腸斷人從今後如何  
是可你再思尋

前調

可意冤家傾國傾城細骨輕肌自別離以後香消玉減寒暄再隔坐想



行思昨夜分明孤眠况味翠被生寒有夢知愁無奈似石沈大海心內成灰 尋思綵筆題詩疊作個同心方勝兒他相思爲我自鳴情抱可憎得別去後何遲星眼朦朧芳心無那閣淚汪汪不敢垂從今罷沒顛沒惱自去扶持

### 兩同心

相思滋味那更殘春門掩了梨花深院幽僻處可有人行心嬌怯坐又  
不安半晌抬身 空青萬里無雲柳影花陰助人愁紙窗風裂撲刺刺  
宿鳥飛騰冷清清倚遍西樓殘月猶明

### 前調

月移花影鴉噪庭槐亂紛紛落紅滿徑下香懶階步蒼苔只爲你廢寢

忘餐瘦似麻樁 許我夜去明來猶是疑猜從今後由他一任這其間  
委實難捱相思事閑愁萬種無處安排

### 前調

夜深人靜佇立空庭步香塵底印兒淺點蒼苔白露冷冷風流况驪着  
香肩娉娉婷婷 前日所望無成我慢沈吟不良會把人噤害海棠開  
想到如今心如醉望眼連天遠水遙岑

### 生查子

花陰寂寂春不待觀書史特地寄書來發落這張紙 五言八韻詩幾  
句寒溫序良夜又迢迢多少傷心事

### 前調

春光在眼前落日山橫翠花落水流紅眼底空留意  
醫可病懨懨  
去拈鍼鬚無語怨東風到晚西樓倚

### 浪淘沙

今日見梅開寄語多才休將閑事苦縈懷春晝不曾雙勸酒兩處徘徊  
蘭麝散幽齋今夜和諧雲鬢彷彿墜金釵只道白頭難負荷苦盡甘  
來

### 長相思

冷清清院宇深悶對西廂皓月吟應憐長嘆人  
隔窗兒碧熒熒一枕  
鴛鴦夢不成燈兒是不明

### 前調

花有陰月有陰紫燕雙飛寂寂春應憐長歎人  
你有心他有心巧爲  
襄王送雲雨當時且自親

### 采桑子

月明纔上柳梢頭倚遍西樓獨上妝樓手捲珠簾上玉鈎  
多情蚤被  
無情惱減了風流啼淚交流萬種情緣一樣愁

### 減蘭

靈犀一點未語人前先靦腆昨夜分明便是惺惺惜惺惺  
小生薄命  
白日相思枉耽病欲訴衷腸着甚支吾此夜長

### 前調

鐘樓前面南海水月觀音院風掃殘紅修竹瀟瀟曲檻中  
寄居蕭寺

惟願龍天施法雨斗柄雲橫海湧風翻貝葉經

### 偷聲木蘭花

一盃悶酒尊前過誰料青春有耽閣雲歛巫山夢裡成雙覺後單  
遭逢一見何郎粉誰作鍼兒將線引月朗風清卽看牽牛織女星

### 前調

宜嗔宜喜春風面噤噤鶯聲花外轉舉止端詳可喜龐兒淺淡妝  
有恩有義心中客千種相思對誰說苦盡甘來取次摧殘天賦才

### 減字木蘭花

青天來闊誰料青春有耽閣淚眼偷淹滿紙春愁墨未乾  
不須推托今日碧桃花有約巧語花言惹草拈花沒佔三

### 青衫濕

落花滿地胭脂冷蘭麝散幽齋銀缸猶燦冰輪乍湧風靜閑塔  
柳遮花映蒼苔徑滑露滴香埃爲人在客相思迴避待怨誰來

### 前調

遮遮掩掩穿芳徑竹影走龍蛇繡簾風細香堦亂擁滿地霜華  
綵雲何在夜閑人靜不近喧嘩尋思就裏愁他心動意不爭差

### 憶秦娥

這相思風清月朗夜深時芳心自警恐怕人知  
至今脂粉未曾施伯勞東去燕西飛燕西飛離愁相繼情淚如絲

### 醉紅妝

夜深香靄散空庭篆煙微花有陰翠幃錦帳一佳人年紀小忒聰明  
春宵一刻抵千金意似癡睡不能今日相思都較可他有心你有心

### 秦樓月

你看天際秋雲捲朦朧不是雲山幾萬重 並無繁冗真幽靜旅館欵  
單枕難禁月朗風清恰二更

### 女冠子

風流佳慶一霎良辰美景問佳音果稱心頭事畫堂春自生 芳心爾  
亦動釵擘玉斜橫萬古常圓聚至誠心

### 憶王孫

眼花撩亂口難言盡夜相思盡夜眠鍼線無心不待拈慢俄延風裊香

煙不捲簾

又

風飄萬點正愁人雨打梨花深閉門翠被生寒壓繡裯異鄉身今夜淒  
涼有四星

又

鶻冷淥老不尋常可喜龐兒淺淡妝紅袖鸞銷玉筍長訴衷腸春色飄  
零憶阮郎

又

月明如水浸樓臺倚定門兒手托腮情思昏昏眼倦開可憎才豈有仙  
雲入夢來

點絳脣

此恨誰知孤身作客三千里淒涼情緒多少傷心事  
枕冷衾寒留戀應無計愁如是盈盈秋水總是離人淚

又

金屋銀屏春宵一刻千金價見其粲者把俺心腸堵  
軟玉溫香咫尺情牽惹簾垂下自然幽雅月色溶溶夜

少年游

桂花搖影夜深沈莫負月華明早是多愁綠窗人靜幾眼疎櫺  
珠簾掩映芙蓉面不見月中人芳心無那靈犀一點楊柳眉嚬

又

晚妝樓上杏花殘莫去倚闌干雲鬢堆鴉龐兒越整淡淡春山  
夜深香雪橫金界露重月明間竹梢風擺紙窗風裂羅袂生寒

十六字令

哈天上美人來不來愁無空好着我難猜

又

呀閑倚熏籠待月華花模樣雲鬢玉梳斜

又

偏脂粉香消懶去添烏雲顰春恨壓眉尖

昭君怨

夜夜教他孤另况是落紅成陣寂寞淚闌干晚妝殘  
果是風清月朗

只許心兒空想輪轉得腸忙自思量

### 點絳脣

花陰滿庭隔花人遠天涯近慙慙瘦損旅館欵單枕  
寶鼎香濃簾幙東風靜廝後律銀河瀉影明月如圓鏡

### 搗練子

暢懊惱儘無眠風裊香煙不捲簾解舞腰肢嬌又軟羅衣不耐五更寒

### 菩薩蠻

心間無限傷心事淋漓紅袖淹情淚無計度芳春多愁多病身  
西廂和月等怎免相思病不得于飛兮難傳紅葉詩

又

一燈孤影搖書幌巫山遠隔如天樣一樣是相思相思只自知  
拂牆花影動慢把瑤琴弄盡在不言中如何妾脫空

### 訴衷情

秋千院宇夜深沈無計度芳春起東風簾幙莫負月華明  
斷願盼見娉婷玉精神粉頸低垂萬般嬌旋蓮臉生春

### 甘州曲

怎凝眸多丰韻忒風流一雙心意兩相投體態是溫柔密愛幽歡恰動  
頭

### 上林春

別了吹蕭伴侶看你個離魂倩女老天不管人憔悴  
我只爲合歡未

已能消幾個黃昏清減作相思樣子

### 憶故人

稔色人兒忒煞思滿肺腑難陶寫其間何必苦追求不似西廂下 扯  
煞心猿意馬控金鈎繡簾不挂怕人知道別恨離愁如今又也

又

鬆了金釧蘊藉人真調淡情兒定薄衾單枕有人溫你便低低應 只  
是今宵歡慶好事兒已大福蔭人間天上義海恩山燈前交頸

### 憶秦娥

真箇悻錦囊佳句來勾引來勾引參辰卯酉迴文織錦 十年牕下無  
人問異鄉最有離魂病離魂病無人調護羅衣寬褪

### 江南好

靜悄悄燈下幾回思寄語高唐休再賦至今脂粉未曾施腰細不勝衣

### 燕歸梁

情思昏昏眼倦開憔悴形骸豈防今日作君災多半是手難抬 玉容  
寂寞梨花只朶爲你可憎才夢魂幾入楚陽臺常如此記心懷

### 柳梢青

舊恨新愁幾回搔耳着甚來由千般嬌娜相思滋味無語低頭 便如  
鳳去秦樓難道是燕侶鶯儔挂肚牽腸連綿鬱結無了無休

### 唐多令

猶自怯衣單迎風戶半攔這些時坐又不安千種相思對誰說難消遣

怎留連 顛倒惡心煩  
乾將風月擔到如今  
髮似愁潘春至人間  
花弄色嬌滴滴儘無眠

### 惜分釵

花模樣從天降粉香膩玉  
搓咽項玉精神忒聰明  
蓮臉生春西子太真  
婷婷 風流況春心蕩眉兒淺淡  
思張敞到如今別樣親  
錦片前程才子多情惺惺

### 憶悶令

寄語西河堤畔柳比舊時肥瘦  
今朝闌檻辭春睡損臙脂皺  
淚濕香羅袖把舊痕溼透  
我還有個尋思是必休忘舊

### 鳳凰臺上憶吹簫

月射書齋曉星初上裏邊幽室  
鐙青是金鈎雙動風弄竹聲  
况是落紅成陣幽僻處  
可有人行這時節一天露氣玉宇無塵  
沉沉花梢弄影  
莫去倚闌干極目行雲與鶯花  
做主才子多情一霎良辰美景  
風過處衣香細生憑闌視瑞烟籠罩  
悄悄冥冥

### 解佩令

小生薄命安排着害說來的話兒  
不應口秋水凝眸怎容得許多嘖皺  
並淚斑宛然依舊 黃昏清旦  
翻來覆去忘了時依然還又會少離多  
糊塗了胸中錦繡你元來苗而不秀

### 望海潮

湖海相隨一身如寄只爲蝸角虛名  
此處棲遲異鄉花草一時去住無



因不去跳龍門向詩書經傳三楚精神筆下幽情新詩和得忒應聲  
裏邊幽室燈青強風情措大風欠酸丁忙裏偷閑雕蟲篆刻能消幾個  
黃昏詩對會家吟語句又輕真是文章有朋橫掃五千人

### 祝英臺近

望將穿涎空嚙我亦休疑難似等辰勾空把佳期盼如今是你無緣把  
奴拖犯只待覓別人破綻可憐咱便如鳳去秦樓珮環聲漸遠近來  
面顏瘦得實難看尋思怎不傷嗟一聲長嘆早尋個酒闌人散

### 菩薩蠻

時乖不遂男兒願甜言媚你三冬暖左右做人難難將仙桂攀  
冤家不自在熬定心腸耐深鎖繡幃中人來信息通

### 滴滴金

翠被香濃熏蘭麝可憐咱第一夜嬌鸞雛鳳失雌雄比花開花謝  
寒牕重守十年寡感懷者難陶寫久後思量可奈何把俺心腸堵

### 少年游

淡黃楊柳帶棲鴉樓角抹殘霞香靄雲飄閣中取靜不近喧嘩  
閒尋方丈高僧坐蕭寺暮雲遮法鼓金鏡鐘聲佛號不羨驕奢

### 紅娘子

春色橫眉黛蘭麝香仍在金雀鴉鬢儘人調戲柳腰欵擺是步搖得寶  
髻玲瓏我又驚又愛

### 醜奴兒

青鸞有信頻須寄，斷簡殘篇巧語花。言四句埋將九里山。人間煩惱  
填胸臆，豈不胡顏暢好是奸惡語傷人六月寒。

### 青玉案

人間良夜靜復靜，明皎皎月篩花影。晚風寒峭透牕紗。碧澄澄蒼苔露  
冷。快書快友快談論，兩首詩分明互證。才高難入俗人機。一任你六  
朝金粉。

### 虞美人

裴航不作游仙夢，虛譽何須奉。猛然見了把頭低。你個挽弓酸棗沒意  
兒。多情早被無情惱。心緒他知道。何須一一搜原由。離恨千端打算  
半年愁。

### 十六字令

哈倚定門兒，手托腮。臆兒外疑是玉人來。

又

呵不想姻緣想甚麼。長吁氣悶煞沒頭鷺。

又

哈謹奉新詩可當媒。真心耐管教那人來。

### 瑞鶴僊

西廂和月等你低首無言芳心自警。怎生輒斷禁比舊時。肥瘦龐兒越  
整天生聰俊。你對人一言難盡。着小生心癢難撓。試悄悄相問。顧影  
身心一片軟玉温香。燈前交頸。綠牕人靜。你今夜親折證。謝多嬌錯愛。

滿心滿意一霎良辰美景魂靈兒飛去半天今宵歡慶

### 霜天曉角

昨夜分明何須眉眼傳情蘭麝香仍在我不解自溫存  
憐取眼前人  
恁般綿裏針有夢也難尋覓無投處問佳音

### 憶少年

淒涼情緒閒愁萬種犬兒休惡冤家不自在雙眉鎖納合  
今日碧桃  
花有約碧悠悠青天來闊且憐花影重蘭閨深寂寞

### 滿江紅

北雁南飛慘離情半林黃葉飛盡的  
青鸞信杳寒暄再隔今日相思都  
較可一絨情淚紅猶濕袖袖兒搵不住啼痕嬌滴滴  
誰能彀捱一刻

想得人心越窄自別離以後連絲鬱結寄語高唐休再賦你輕遠別便  
相擲怎當他兜的上心來單枕側

### 喜團圓

寄居蕭寺鬧中取靜方便爲門閒尋方丈高僧坐不念法華經  
有心  
聽講道場散了月兒早沉一天露氣夜深人靜萬籟無聲

### 又

僧居禪院鐘聲佛號法鼓金鐃夜深香燭橫金界勝似鬧元宵  
上方  
佛殿香煙人氣燭影紅搖深深拜了暗中禱告天上逍遙

### 又

良辰美景風流佳慶彩筆題詩一雙跨鳳乘鸞客有美玉如斯  
今宵

歡愛燈前交頸姊姊呼之天長地久妻榮夫貴舉案齊眉

### 滿江紅

寶鼎香濃顫巍巍花梢弄影又不見輕雲薄霧閣中取靜粉蝶乍沾飛  
絮雪落花滿地烟肢冷鎖日價情思睡昏昏誰俛問 心嬌怯我已省  
相思事還有甚將迴廊繞遍閒行又困一遞一聲長吁氣玉堂人物難  
親近隔牆兒酬和到天明厮覷定

又

自恨生平怎生般雕虫刻篆我曾經這般磨滅擔饒輕慢雲路鵬程九  
萬里脚跟無線如蓬轉怎因而有美玉於斯真調淡 前已是踏着犯  
你自審誰曾慣向詩書經傳黃昏清旦二十顆珠藏簡帖時乖不遂男

願至今留四海一空囊休辭憚

又

夜去明來調眼色已經半載成就了幽期密約今宵相待倒鳳顛鸞百  
事有霎時不見教人怪帶圍寬過了瘦腰肢小孌奶 你赤緊真心耐  
措支裡不自在意懸懸業眼九分不快料想春嬌厭拘束何時重解香  
羅帶教別人顛倒惡心煩愁無奈

### 戀繡衾

鶻冷淥老不尋常大人家舉止端詳要看過十分飽他臉兒是淡淡妝  
牙兒襯着衫兒袖無倒斷曉夜思量咫尺間天樣闊着小生挂肚牽

場

小秦王

恨壓三峰華嶽低才高難入俗人機萬金寶劍藏秋水金榜無名誓不歸

楊柳枝

憔悴潘郎鬢有絲雨零風細夢回時無端春色關心事繡戶風開鸚鵡知

又

紫燕雙飛寂寂春風飄萬點正愁人綠窗一帶遲遲日不覺開西立又昏

又

無夜無明併女工等閒飛出廣寒宮十分心事一分語盡在深深一拜中

又

日午當天塢影圓三千年果在花園游絲牽惹桃花片疑是銀河落九天

又

庭院深沈月早明背陰裏窸最難尋偷香手段今番按烟看牽牛織女星

陽關曲

禾黍秋風尚馬嘶伯勞東去燕西飛順時自保千金體野店風霜起要

遲

又

秋雨梧桐葉落時一封書到便興師  
脚跟無線如蓬轉南北東西四馬蹄

又

門掩重關蕭寺中伯勞飛燕各西東  
一盃悶酒尊前過翠袖殷勤捧玉鍾

採蓮子

俊是龐兒俏是心烏紗小帽耀人明  
些時不見教人愛行近前來百媚生

又

眉眼傳情未了時猛然見了把頭低  
何須定約通媒媁才子佳人信有之

又

孔雀春風軟玉屏夫人遣妾莫消停  
繡衾奇暖留春住巧爲襄王送雨雲

金人捧露盤

破題兒第一夜儘無眠想得人廢寢  
忘餐心懷挹快晚妝樓上杏花殘  
無人調護蹙損了潏淡春山  
多半是相思淚軟兀刺慢俄延  
這時節坐又不安腰如病沈羅衣  
不耐五更寒幾回搔首有幾個意馬心猿

### 春光好

甚妹妹拜哥哥笑呵呵你看沒查沒腦荒儂科  
要算主人情重知他  
福命如何賠酒賠茶倒揶就難捉摸

### 御街行

無端燕雀高枝上睡不着如翻掌何曾今夕洞房春只許心兒空想夜  
蘭人靜竹梢風擺只道金珮響 巫山遠隔如天樣畫眉的敢是謊常  
言女大不中留你竟無須推讓謹依來命快成倚玉好事從天降

### 後庭花

綠窗一帶遲遲日一時半刻你輕遠別便相擲來時甚急 面前茶飯  
不待吃杯盤狼籍河魚天雁多消息方纔甯貼

### 紅娘子

月色溶溶夜咫尺情牽惹花柳依然門兒相向自然幽雅是修竹瀟瀟  
曲檻中不似西廂下

### 連理枝

熬定心腸耐倚定門兒待望眼連天無人服侍安排着害教小生半途  
喜變憂似石沈大海

### 小桃紅

鞍馬秋風裏落日山橫翠黃葉紛飛夕陽古道蒼烟迷樹望蒲東蕭寺  
暮雲遮偏玉驄難繫

### 霜天曉角

暢好是奸如今是你無緣悶煞讀書客想着這玉天仙  
春光在眼前  
只將花笑拈他見黃鶯作對風魔了張解元

### 訴衷情

晚妝樓上杏花殘春恨壓眉尖行一步可人憐宜貼翠花鈿  
莫去倚  
闌干沒遮欄眼花撩亂口難言怎生般

### 一絲風

半天風雨灑松梢良夜又迢遙慈悲臉兒蒙着諷咒海波潮  
高坐上  
也凝眺雲板敲拜過聖賢暗中禱告人間壽高

### 解佩令

風癩秀士自鳴情抱非是他書生叨議論自恨生平怕你不廻文織錦

有幾多六朝金粉 身心一片滿心滿意快休題天生聰俊斷簡殘篇  
從今後由他一任下工夫把頭顱掙

### 昭君怨

何處縮天有術有夢也難尋覓燒了斷頭香自思量  
掉下半天風  
夜夜教他孤另還使甚嚶囉笑呵呵

### 聲聲令

合歡未已那更殘春風飄萬點正愁人這番最陡心如醉這邪淫小梅  
香服侍得勤  
前暮私情辦一片至誠心夜寒無奈又聽琴身遙心瀾  
向書房問佳音見他咄咄的便親

### 聲聲慢



容分一臉舉止端詳道我眉黛青顰可意冤家眼是秋水無塵分明打個照面海棠開想到如今我做會畫中愛寵有影無形只是昨宵今日能消幾個黃昏檀口咨嗟前日所望無成東洋海般飢渴可憎才命在逡巡誰承望到相逢永踐諾金

### 且坐令

巫峽女到晚西樓倚而今閣起成親事懶去拈針帶會少離多香消玉減更增十倍調眼色已經半載恨塞滿愁腸胃歸家怕看羅幃裏不快活心如醉青鸞有信頻須寄還將舊來意

### 花上月令

豈防今日做君灾只爲那可憎才雖然久後成佳配我難猜這時節至

心捱無明無夜因他害春心蕩手難抬臨去秋波那一轉呆打孩成就我早些來

### 又

今宵同會碧紗幮金荷小篆烟微仰酬厚德難從禮轉關兒消災障治相思展放從前眉兒皺快休起這酬賀聽琴時龐兒也要人消受怎因而還有甚斷腸詞

### 一剪梅

謹奉新詩可當媒欲訴衷腸意轉心回今番不是在先人並不推辭夜去明來情思昏昏眼倦開海誓山盟今夜和諧一雙心意兩相投仔細端詳雲鎖陽臺

撥棹子

望得人想得人今夜出個志誠心請先生切勿推稱絳臺高翠被香濃  
熏蘭麝 第一夜似一夏女孩兒花枝又低亞那裏叙寒溫打話我又  
驚又愛臉兒虧搵者

鞞紅

櫻桃紅破春山低翠望穿了盈盈秋水休言慢傍靈犀一點方信到在  
心爲志 擲果潘安離魂倩女怕的是合歡未已使人離缺尋思就裏  
都只爲蠅頭微利

荷花媚

髻偏雲亂挽誰承望待你恩情美滿嬌羞花解語閑愁萬種意懸懸業

眼 單枕側雲際穿窗月又不曾有甚把奴拖犯心嬌怯可憐嗚蘭閨  
深寂寞銀缸猶燦

好女兒

娉娉婷婷姐姐鶯鶯準備來雲雨會巫峽似湘陵妃子萬般旖旎體露  
半襟 欲入陳王羅賦風流客蘊藉人呆打孩倚定門兒待他相思爲  
我性兒浹洽美滿恩情

鞞繡球

體態是溫柔打扮得身子兒乍容分一臉千般嬌娜烟鬢全墮自然幽  
雅 扯殺心猿意馬從來憐心無驚怕彩雲何在柳遮花映恰尋歸路  
一聲去也

玉團兒

塢墻酬賀都胡侃背地裏愁眉淚眼會少離多一時紕繆我的公案  
幾乎險被先生饌你眼見須臾對面一個羞慚潛潛等等欺硬怕軟

又

有恩有義心中客沒揣的對面搶白推托別辭苗而不秀愁恨重疊  
不知不遇傾城色怕便是花殘月缺黃犬音乖參辰卯酉恩斷義絕

又

歸家怕看羅幃裏那一夜翻來覆去挂肚牽腸把人噤害不復成寐  
縱然酬得今生志恰告了相思迴避念不能忘婚姻打滅如夢相似

別怨

幾眼疎櫺碧熒熒是短燈檠拂墻花影動風飄萬點正愁人一枕鴛鴦  
夢不成 悶對如年夜昏鄧鄧黑海來深顛來倒去能消幾個黃昏芳  
心爾亦動想着這異鄉身

又

北雁南飛染寒烟衰草淒迷一鞭殘照裏如今竟是獨自歸禾黍秋風  
尙馬嘶 斜日遲遲下這時節此處栖遲半林黃葉何干天地無私亂  
蛩鳴四野風淅淅雨絲絲

行香子

溫存嬌媚錦片前程博得個這般用心又來回顧影如洛水神人靜悄  
悄明皎皎看鶯鶯 謹依來命喏喏連聲這一番握雨攜雲你半推半

就我今夜甫能香馥馥嬌滴滴睡昏昏

### 帶人嬌

只近西廂門兒相向猛見了可憎模樣語言的當忒丰韻都撮在眉尖上  
杏臉桃腮休言佞傍我有意湯他一湯須臾對面特來參訪要看個眼皮兒上供養

### 桂枝香

靈犀一點他愁種心苗黃昏清旦捲起東風簾幕一聲長嘆牙兒襯着衫兒袖絳臺高銀缸猶燦相思樣子停了鍼繡愁眉淚眼背地裏把奴拖犯我便好意兒傳書遞簡風流調法不費半絲紅線郎才女貌年相仿他如今把佳期盼不須推托做了新婿須臾對面

### 錦纏道

粉蝶成雙昨夜池塘夢曉異鄉身異鄉花草有心爭似無心好把我攞殘棄擲今何道  
歎鰥生不才一時紕繆好事兒青鸞信杳怎當他傾國傾城貌眼睛打當看個十分飽

### 醉公子

白露下黃葉彷彿人嗚咽輪轉得腸忙莊生夢蝴蝶沈約病多般顛倒惡心煩門掩清秋夜相思恨轉添

### 戀情深

展放從前眉兒皺你偷香手今宵端的雨雲來早安排軟玉溫香抱滿懷魚水得和諧恭敬不如從命至心撻

霜天曉角

夫人失信怎免相思病不是紅娘違慢衆家眷誰做問 顧影斯篔簹  
橫枝兒着緊我不曾轉動要看個性兒定

酒泉子

秋水凝眸他見黃鶯作對望東墻先是你沒來由 其問何必苦追求  
夫人你休究將他來成配偶效綢繆

又

望眼連天那見珠圍翠繞一團兒堆着俏可人憐 朱唇淺淡腮支顫  
撇下賠錢貨到如今看你個意懸懸

惜奴嬌

有限姻緣問你個誰能殺已過了小春時候鬆了金釧把不住眉兒皺  
罷手不强如停眠整宿 曉夜思量怕的是性情儻提心在口便結絲  
蘿看你個人消受世有博得個天長地久

蝴蝶兒

玉人兒這些時至今脂粉未曾施相思只自知 簾幕東風靜張琴代  
語兮伯勞東去燕西飛憂愁訴與誰

醉公子

料得高吟者就裏空奸詐不是並頭蓮神仙歸洞天 拔了梯兒看這  
是娘機變有美玉如斯何時見許兮

捉拍醜奴兒

角帶開黃鞵，守定是短燈檠。十年窗下無人問，這般才思，迴文織錦，無奈功名。橫掃五千人，定然是學海文林藕絲縛定。鴟鵬翅長，吁短歎青衫，更濕進退無門。

又

燒了斷頭香，惹得人搗杵搥床恨。天不與人方便，你輕遠別，一言難盡，教人怎颺。教你跳東牆，好事兒竊玉偷香，他今背立湖山下，柳遮花，映紅娘，休劣慰我徬徨。

### 採鸞歸令

携手相將紅袖鸞，綃玉筍長窗。前覽鏡試新妝，赴高唐。一天好事，今宵定邂逅，偷將韓壽香。小生仔細訴衷腸，使紅娘。

### 明月掉孤舟

春至人間花弄色，沒由來瓶墜簪折。清夜聞鐘道場散，了雲際穿窗月。千種相思對誰說，我曾經這般磨滅。有限姻緣斷腸悲，痛最苦是離

別

### 蘇幕遮

下工夫罕曾見，四海求凰日近。長安遠臨去，秋波那一轉，似等辰勾空。把佳期盼，記心懷無倒斷。待怨誰來，這是娘機變。未語人前，先腫臉。着甚來由，瘦得實難看。

又

玉人兒何處也，一合迴文咫尺。情牽惹依舊，夜來蕭寺，寡月暗西廂門。

掩清秋夜 這些時似一夏前暮私情就裏空奸詐便是紅紙護銀蠟  
念不能忘把俺心腸堵

又

乍相逢親折証粉蝶成雙猶有相兼並白日相思枉耽病黃瘦臉兒旅  
館欹單枕 結婚姻爲秦晉姐姐呼之你便低低應今夜三更他來恁  
女字邊奸明月如圓鏡

### 祝英臺近

靈心兒難按捺待月西廂下恰對菱花樓上晚粧罷母親你好心多使  
人離缺從今後如聾似啞 難陶寫一個悄悄冥冥酒醒何處也真個  
今宵悶對如年夜你休呆裏撒奸心無驚怕門掩了繡簾不挂

### 後庭花

隔牆酬和都胡侃傳書遞簡拆開封皮孜孜看一聲長嘆 甜言媚你  
三冬暖須臾對面癡心女子負心漢把奴拖犯

又

賢賢易色將他戒不勝憤懣無明無夜因他害九分不快 霎時不見  
教人怪九霄雲外何時重解香羅帶已經半載

### 謁金門

胡撲掩可喜娘罕曾見宮樣眉兒新月偃鬢偏雲亂挽 曉夜將佳期  
盼不費半絲紅綫喏喏連聲似噁噁鶯聲花外囀

### 減字木蘭

婚姻打滅何不便教相決絕送暖偷寒夢裏成雙覺後單 分明互証  
一服兩服令人恁撥雨撩雲妙藥難醫腸斷人

### 卜算子

粉鼻倚瓊瑤春色橫眉黛軟玉溫香抱滿懷蘭麝香仍在 一個無一  
言熬定心腸耐才子佳人信有之敢有十餘載

### 朝中措

常言女大不中留體態是溫柔欲入陳王麗賦紅娘做的牽頭 昨夜  
池塘夢曉便如鳳去秦樓櫻桃紅破夫人休覺燕侶鶯儔

### 十六字令

他真是積世老婆婆從今罷還使甚嘍囉

又

嗤眉眼傳情未了時春心蕩推整素羅衣

又

咱怎不同過臉兒來好教我劉阮到天台

### 女冠子

區區微命夜夜教他孤男死難忘棄擲今何道崔家女艷粧 冤家不  
自在燒了斷頭香沒有紅娘報望東牆

### 紅娘子

簾幕東風靜明月如圓鏡滿地霜華香階亂擁銀河瀉影是漏聲長滴  
響壺銅又不曾有甚



鬲溪梅令

今番不是在先人請先生不做美的紅娘莫淺情我能教稱心 薄衾  
單枕有人溫因謝承你便莫惜鶯鶯這一身當時且自親

更漏子

忒聰明堆着俏他正德言工貌粉捏就玉天仙這般並頭蓮 懶去拈  
針帶別了吹簫伴侶待颺下慢俄延神仙歸洞天

燭影搖紅

可意冤家怎留連睡不着如翻掌漏聲長滴響壺銅只道金珮響

楊柳枝

着甚支吾此夜長向書房小生仔細訴衷腸自思量 迅掃風塵還淨

土無投處自來西洛是吾鄉在他行

水調歌頭

情思我猜著撩撥得心慌分明打個照面豈沒個兒郎小姐權時落後  
我試悄悄相問你若有主張雲雨會巫峽教你跳東牆 見他時風癡  
了楚襄王夫人失信泄漏春光與乃堂誰得人來怕恐若遇佳人薄倖  
燒了斷頭香悶殺讀書客牢染在肝腸

喜團圓

相思滋味把人葬送緊靠湖山花香重疊晚風細露重月明間 無人  
調護翻來覆去枕冷衾寒鸞交鳳友隻身獨自雲歛巫山

搗練子

這時節杜鵑紅人值殘春蒲郡東嫩綠池塘藏睡鴨落花無語怨東風

戀繡衾

大師一問行藏他不曉七青八黃權將這秀才來儘問大人家舉止  
端詳斬丁截鐵常居一小生正恭儉溫良下工夫把頭顱掙任憑人  
說短論長

又

小生仔細訴衷腸誰許你竊玉偷香糊塗了胸中錦繡魂靈兒實在他  
行翠裙鴛繡金蓮小全不見半點輕狂不良會把人噤害我自寫與  
你從良

又

何曾今夕洞房春冷清清是舊圍屏清減做相思樣子可憐咱命在邊  
巡女人自然多命薄婚姻又反吟伏吟我前夜詩依前韻使君子一  
星兒參

又

今宵同會碧紗幮杜韋娘不似舊時怕便是收拾得早淹漬了臉上胭  
支何須定約通媒媁有心待舉案齊眉我只爲合懽未已破題兒又  
早別離

人月圓

無端豪客傳烽火便遂殺人心征雲冉冉風雲變色博望燒屯么麼  
草寇片時掃盡土雨紛紛輕裝小頓將軍故友建立功勳

戀繡衾

暗酬虎將起風雲也只妨玉石俱焚仗佛力納一聲喊你們得遠害全身  
善文能武人千里斬飛虎殺退賊軍昏鄧鄧真乃烏合捲浮雲掃蕩烟塵

更漏子

見娉婷調眼色何處縮天有術西廂裡結絲桐人來信息通 色胆天  
來大怎奈母親側坐休粧啣準備來迎風戶半開

西廂詞集上卷終

西廂詞集下卷

萬里春

長沙梅叟蘭樵甫戲稿

提心在口說哥哥病久我擔個部署不周繡鞋兒水透 是我先投首  
拖逗他胡行亂走管甚麼拘束親娘向書房問候

又

長呼短歎奈玉人不見我中心日夜圖之意懸懸業眼 做了偷花漢  
門掩了梨花深院休猜做路柳牆花請先生休誦

長相思

晚風前碧雲天誰想這裡遇神仙春光在眼前霎時間並頭蓮雙戀日

月照華筵只將花笑拈

### 江南春

性情縹性氣剛夫人你休究節操凜冰霜平生正直無偏向算是端嚴  
做老娘

### 憶真妃

曾聞才子多情甚姻親便結絲蘿憐取眼前人 身兒韻情兒定至誠  
心他是一尊救苦觀世音

### 眼兒媚

風清月朗夜深時探你一遭兒攜手相將你從依我許配雌雄 一天  
好事今宵定我却沒三思鶯鶯君瑞鸞交鳳友暫做安居

### 紅娘子

倚翠偎紅話一個變了卦不做周方話兒摩弄一聲去也教小生半途  
喜變憂你那里休貼

### 又

先生無伴等打扮又素淨心癢難撓幽期密約詩依前韻隔牆兒酬和  
到天明你早則不冷

### 朝天子

好事從天降要梅香來說勾當可憎模樣你慢慢地想 多丰韻撮在  
眉尖上打扮着特來晃非誇獎他不怕砧斤播兩

### 虞美人

心間無限傷心事，懶去拈針繡。不憂文齊福不齊，意惹情牽，有美一人分。口兒作念心兒印，怎免相思病。夢魂幾入楚陽臺，你破工夫，今夜早些來。

### 踏歌辭

仙徑通幽處，拂牆花又低。放心波學士，準備折桂枝。禮部尙書多名望，爭些兒。

### 霜天曉角

雲歛晴空，落花流水溶溶斜。日遲遲下，不移時，牆角東。四圍山色中，林梢落葉風。你去綠楊陰裡，芳徑軟，杜鵑紅。

### 江城子

諸僧無事得安存，到如今。捲浮雲，行者堪焦，不念法華經。迅掃風塵，還淨土，這酬賀請先生。

### 眼兒媚

雪窓螢火十餘年，鐵硯呵磨穿。胸中錦繡，狀元及第，高似青天。黃鶯奪了鴻鵠志，南北串百川。文章魁首，青衫更濕，意馬心猿。

### 感恩多

斜將曲闌，恁那更，籠兒整。只聞鳥雀喧，近庭軒。況是落紅成陣，晚風前。晚風前飛去，半天空餘楊柳烟。

又

閒庭又寂靜，打扮又素淨。張琴代語，吟啞聲兒。幾日相思，滋味瘦腰。

支瘦腰支不似舊時憂愁訴與誰

又

太師年紀老我是饒眼腦禪房花木深月有陰  
你好事從天降問佳音問佳音想到如今夢兒是不成

又

被窩是寂靜只是如何賃恁般綿裏鍼病已沉  
不必伸訴肺腑自溫存自溫存背着夫人我能教稱心

又

芳心爾亦動是怕人搬弄此情不可違聽琴時  
做了你的招狀看甚詞看甚詞推托別辭相思只自知

### 占春芳

巫峽女堆着俏願言配德兮料想春嬌壓拘束斜偎舜廟朱扉  
有美玉於斯拂花綫彩筆題詩玉堂金馬三學士舉案齊眉

### 朝玉階

今夜淒涼有四星沒揣的見你那可憎新詩和得忒應聲兀的不引了  
人魂靈 我是不曾不用心你是影兒似不離身世間草木最無情又  
將我侍妾來逼凌

### 散餘霞

分明眼底人千里是如夢相似你只攬撥上竿不管人憔悴  
今宵宿在那裏你無人服侍身卸一條布衾想多應悶死

河傳

劣劣下志戒刀新蘸斬丁截鐵諸僧無事得安存胡云伽藍火內焚  
有恩有義心中客惡搶白欽敬呵當合一筆勾甚來由夫人近來恩做  
讐

又

身分風韻容分一臉龐兒越整看人將淚眼偷瞧妖嬈輕盈楊柳腰  
玉堂人物難親近憑才性怎免相思病坐不成睡不成安排青眼送行  
人

又

真個若果孤眠况味烟髮全墮日高猶自不明眸都休知情的犯由

而今煩惱猶間可難蹲坐撇下賠錢貨恨匆匆氣冲冲嬌鸞離鳳失雌  
雄

鳳凰臺上憶吹簫

恐怕張羅紅娘撒沁影兒似不離身他不令許放瞞過夫人一個文章  
魁首不爭你握兩携雲疾忙去告了消乏即便同行 胡云大開東閣  
你首無言切勿推稱他相思爲我想到如今若到官司詳察他不用  
受怕耽驚這時節寒溫打話悄悄冥冥

憶真妃

如今是你無緣沒遮欄相國行祠化作武陵源挖搭地早飛去近庭軒  
仔細定睛似弩箭離絃

採桑子

耳邊金鼓連天震有勇無慙把我摧殘飛虎聲名賽虎般  
鯉魚連夜  
飛馳去吃苦辭甘把衆僧安濟困扶危書一緘

又

終然宛轉從嬌女雁瑟鸞笙倒陪家門君瑞胸中百萬兵  
張郎倘去  
相偎傍昨夜分明法灸神針軟弱鶯鶯那慣經

又

鶯娘心下十分順自有言辭並不推辭眉眼傳情未了時  
席間母子  
當迴避幼女孤兒兄妹爲之他敢顛倒費神思

憶少年令

相思樣子今宵相待管教那人來携手相將風迴雪舞不肯把頭抬  
多情小姐同鴛鴦魚水得和諧星眼朦朧兒相壓檀口搵香腮

行香子

曲廊洞房貪看鶯鶯要梅香通個殷勤一言難盡休問小生我心如醉  
愁如是到如今一時半刻應難離側隔窗兒咳嗽一聲離魂倩女帶  
月披星你記心懷真心耐甚心猜

又

此處栖蓮花柳依然啟朱扉搖響雙環落紅滿徑西日初斜在晚風前  
只爲你可人憐人間玉色眼睛打當魂靈兒飛去半天風流調法見  
了萬千任憑人停眠整宿意懸懸



法駕導引

傳幽客傳幽客且會間嗑牙今日碧桃花有約金蓮蹴損牡丹芽我一地胡拿

連理枝

絃上的心事宋玉愁無二兩處徘徊你輕遠別翻來覆去他至今脂粉未曾施謝張生伸致

帝臺春

愁得陡峻枕頭是孤另心內成灰老夫人拘繫得緊牙尺剪刀聲相送倒教俺低垂粉頸絮叨叨把我摧殘指頭兒恁厮恁倖誰做問拖地錦無乾淨母親你送了人呵恨匆匆縫合口一言難盡賠酒賠茶倒攪

就把個書生來跌窖害不倒愁懷又來回顧影

幔捲綢

夢裏南柯畫中愛寵便是言辭賺掉不下思量教人怎颺不恨西江瞞着魚雁赤緊夫妻尤雲帶雨出點風流汗成就了溫存嬌婿分明是你過犯長呼短嘆早晚怕夫人行破綻揭起海紅羅軟簾偷看我是曉夜將佳期盼衣寬帶鬆天生是敢做了偷花漢嘆鰥生不才有限姻緣擔饒輕慢

點絳脣

客舍僧房不酸不醋風魔漢上方佛殿雨濕天花亂幡影飄飄不禮梁皇懺休辭憚下方僧院遙見英雄俺

訴衷情令

晚風寒峭透窗紗水米不沾牙  
淒涼情緒忘餐廢寢瘦得嗶噓  
單枕側落空他痛傷嗟知音俊俏撥雨撩雲不是心邪

又

風清月朗夜深時賣笑倚門兒  
盈盈秋水春山低翠臉上胭脂  
風流况素羅衣小腰圍梳雲掠別浪酒閑茶愛你金貴

又

侯門不許老僧敲雖是去兩遭  
大師難學頭陀可惱行者堪焦  
僧伽樣也凝眺虛飄飄參過菩薩七寶伽藍天上逍遙

甘州曲

短燈檠斷守得不分明  
桂花搖影夜深沈無計度芳春  
一枕鴛鴦夢不成

兩同心

合歡未已有影無形碧悠悠  
青天來關昏鄧鄧黑海來深便相擲  
病染沈疴忽構探薪頭枕三尺瑤琴  
所望無成越越的青鸞信杳隔窗兒  
可有人行粗麻綫怎過針關死裏重生

霜天曉角

浪酒閑茶尋思怎不傷嗟  
將迴廊繞遍無人處閒嗑牙  
黃夜入人家  
牆高柳半遮顛倒瞞着魚雁肯不肯  
怎由他

解珮令

從門前面閣中取靜顛巍巍花梢弄影下下高高浙冷落紅滿徑香  
美娘片時掃盡 輕雲薄霧柳遮花映下香塔蒼苔露冷帽側烏紗隔  
牆兒分明互證一字字詩依前韻

### 柳梢青

無意求官路途疲頓便道河中寶鼎香濃更長漏永自己情衷 着他  
魚水難同結絲桐流水溶溶無限相思泣麟悲鳳敲響簾櫳

### 春光好

只說道笑呵呵醉顏酡這是肚腸閣落淚珠多 我又不曾轉動我先  
目轉秋波他酪子裏都搵濕衫羅

又

猛聽得是花宮夜撞鐘果是風清月朗鶴唳空 調弄出離恨譜本宮  
始終不同欲訴衷腸盡在不言中

### 少年遊

雲鬢彷彿墜金釵露滴牡丹開軟玉温香休言偎傍猶是疑猜 心間  
無限傷心事昨夜夢中來孤眠况味几時温熱委實難捱

### 玉團兒

雲晴雨濕天花亂撞釘子把賊兵探行者又嚎沙彌又哨先嚇破膽  
萬斤黑面從教暗小僧敢去也不敢怎退干戈擗三通鼓把戒刀鈿

### 醜奴兒慢

多情小姐曉盡描鸞刺繡打扮得身子兒乍粉臉生春月底西廂秋千

院宇夜深沉落紅滿徑繡簾不掛斜月殘燈 鳳隻鸞孤彩雲何在風  
弄竹聲步香塵底印兒淺白露冷冷不怕春寒春宵一刻抵千金更長  
漏永香消玉減好教撒吞

### 金人捧露盤

滿頭花烏雲暉小梅香穿一套縞素衣裳千般嬌娜業身雖是立迴廊  
半天風韻他臉兒是淡淡粧 白欄淨嬌模樣龐兒整杜草娘全不  
見半點輕狂柳腰欵擺鶻冷淥老不尋常性兒溫克不教你疊被鋪床

### 釵頭鳳

厮覷定多丰韻遮遮掩掩穿芳徑風流况回頭望頭陀可惱眼睛打當  
想想想 合歡令無乾淨他來怎生一處寢從天降特來晃愁他心動

法聰和尚痒痒痒

### 上林春

泥塑的僧伽樣可正是長老方丈面如少年得內養 做道場有心聽  
講怎生喚做打參問你個法聰和尚

又

小子隻身獨自折鴛鴦坐兩下裡黃鶯奪了鴻鵠志 不移時翻來覆  
去着他魚水難同看你个相思樣子

又

爲了鶯鶯身分一家兒區區微命孤孀母子無投奔 急假親秀才來  
儘只他這筆尖兒張君瑞便當欽敬

又

一個文章魁首博得個鸞交鳳友畫堂簫鼓鳴春晝  
好事兒天長地  
久將何郎粉去搽只爲你胸中錦繡

又

一個絮絮荅荅元來是小姐小姐他今背立湖山下  
那更叙寒溫打  
話是他女孩兒家休猜做來學騙馬

又

有夢也難尋覓眼見得恩斷義絕不如不遇傾城色  
熱劫兒對面搶  
白不圖浪酒閑茶知你的青衫更濕

又

你硬着頭皮上恣情的湯他一湯好模好樣特莽戇  
煩惱耶鐘兒早  
響其間我覷意兒好和歹慢慢的想

### 滴滴金

綠莎便是寬繡榻情牽惹不對答方纔還是一處來謝小姐賢達  
春  
宵一刻千金價可憐咱難按捺你且潛身曲檻邊他性兒冷淡

### 新雁過粧樓

秋水凝眸不爭你紅娘做的牽頭潘安般貌通徹三教九流十年窗下  
無人問一雙心意兩相投不識愁人間天上燕侶鶯儔  
東洋海般飢  
渴你要會雲雨那樣溫柔我往常見傅粉的委實羞見他謹依來命誰  
許你恣情的不休聞道請他連忙答應你反擔憂

又

不在東牆聽說罷又在巫山那廂幾回搔耳忘了待月迴廊西沒東生  
有誰共小生子細訴衷腸夫人央在心爲志與你從良 分明打個照  
面似湘陵妃子舉止端詳難道前世我燒了斷頭香使紅娘來探爾原  
來是賤趁放毫光可意種將言詞說上慰我徬徨

聲聲令

梨花深院粉蝶成雙繫春情短柳絲長儘人調戲眼挫裏抹張郎魂靈  
兒實在他行 見之不忘心兒裏自思量鶻冷淥老不尋常須臾對面  
不想呵其實強管甚麼拘束親娘

芳草渡

風流客玉精神花箋上忒聰明新詩和得忒應聲非誇獎不才珙蘊藉  
人 這酬賀當酬賀那答兒發付我志誠種結婚姻賠錢貨從來懼甚  
姻親

淡黃柳

傳書遞簡自古文風盛不意當時完妾行要算主人情重休使紅娘再  
來請 真後倖夫人專意等排酒果拖地錦有情的都成了眷屬玉液  
金波鳳簫象板恭敬不如從命

一葉落

張殿試五瘟使繡衾奇暖留春住願言配德兮放心波學士休言語休  
言語萬古常團聚

玉堂春

大開東閣捲起東風簾幕不請街坊正待傳幽客繡戶風開鸚鵡知  
爲了鶯鶯身分五言八韻詩願與英雄萬古常團聚才子佳人信有之

喜團圓

快成倚玉天長地久許配雄雌孟光接了梁鴻案  
學士多情小姐姐呼之滿心滿意妻榮夫貴舉案齊眉  
玉堂